

Gvangjsih Minzczu Bau

ganhhau: CN45-0036 B.2020 Nd.5 Ng.27 liggaueq gengcej nienz nyinh ndwenseiq co'ngux

广西民族报

(壮文版)

主管主办: 广西壮族自治区

区民族宗教事务委员会

编辑出版: 广西民族报社

出版期数: 总第 3425 期

Swcigih Minzczunghvei Bae Baksak Diu- yenz Hong Sawqdiemj Saenqhwng Lajmbanj

5 nyied 19 hauh daengz 22 hauh, Swcigih Minzczunghvej Yangz Gij-byauh fucujyin daiq vunz bae Baksak Si Lozyez Yen caeuq Lungzlinz Gak Cuz Swciyen diuyenz gij hong sawqdiemj saenqhwng lajmbanj, daegbied cam rox cingcuj gij hong minzczu lajmbanj saenqhwng sawqdiemj, minzczu vunzniox cienznaganz hwnghat hanghmoeg hwnqguh caeuq

minzmou minzbij giyez.

Diuhyenzcuj laebdaeb daengz gak diemj saeddieg diuyenz, cam rox cingcuj minzmou minzbij giyez swnghcanj ginghyingz cingzgvang, minzczu vunzniox cienznaganz hwnghat hanghmoeg hengzguh cingzgvang caeuq hong minzczu lajmbanj saenqhwng sawqdiemj cingzgvang, haengjdingh cingzyauq, caemhcai dazyinx

gij hong ngoenzlaeng.

Diuhyenzcuj youq diuyenz minzczu vunzniox cienznaganz hwnghat hanghmoeg doengzseiz daezok yaek leihyungz gijndei, gyarengz hauejcoengh doengh giz dieg minzczu vunzniox gungzhoj haenx hwnghat, gajndei gij swnghcanj swnghhoz diuzgienh minzczu vunzniox; diuyenz gij sawqdiemj saenqhwng minzczu

lajmbanj seiz daezok, yaek dawz gij hong sawqdiemj saenqhwng minzczu lajmbanj caeuq duetgungz gunggeng gaenjaed giethab; youq mwh diuyenz minzmou minzbij giyez daezok, aeu yungz ndei gij youhvei cwnghwz, coicaenh giyez hwnghat, daiqdoengh vunz lai minzczu vunzniox duet gungz bienq fouq.

(Vuj Cunghgoz)

Sanhgyangh: Gawjbanh Vwnzboz Lijyouz Yisuzcez



5 nyied 19 hauh, Sanhgyangh Duncuz Swciyen gawjbanh vwnzboz lijyouz yisuzcez haidoengh yizsiz. Yisuzcez yaek doeng-gvaq lijyouz doigai, yinx hek ciemdingh hezyi, bangcoh vwnzlij dauqfuk. Danggoenz, mbiengj cawjbanh guh gajliengz dozveh Duncuz, dozveh Duncuz daeh venjngau, dozveh Duncuz nem binghsienh, Luzgyaz dozsiuq caeuq byanaz Sanhgyangh daengj doengh gij canjbinj feihyiz neix, mbebaij okdaej, daegbied doigai vunz Sanhgyangh youz Sanhgyangh.

(Li Ginh Siz Fungh-vwnz/丽君 石峰文)

Aen Yizsiz Daihsam Gaiq Ciemdingh Canghraiz Sawcuengh Youq Nanzningz Gawjhengz

5 nyied 22 hauh, aen yizsiz daihsam gaiq ciemdingh canghraiz Sawcuengh youq Nanzningz gawjhengz, cawjbanh danhvei Gvangjsih Minzczu Bause caeuq 6 boux canghraiz Sawcuengh ciemdingh bi hab'iek ndeu.

Gvangjsih Minzczu Bause daj bi 2018 haidaeuz caeuq canghraiz Sawcuengh ciem habdoengz, moix bi ciem baez ndeu, vunqsik lingzdoengh, iucingj canghraiz ciemiek yungz Sawcuengh sij sawfaenz caemhcai

doekdingh sawfaenz soqliengh. Daih'it, daihngeih gaiq moix gaiq faenbied caeuq 5 boux canghraiz ciemdingh habdoengz, youq 《Gvangjsih Minzczu Bau》(banj Sawcuengh) 103 geiz gungz 103 aen conhbanj daengh cozbij Sawcuengh nyuenzcauh. 6 boux canghraiz caux ok buek cozbij miz Bouxcuengh daegsack ndeu. Bi 2020, Gvangjsih Minzczu Bause caeuq Yiz Ciz, Cungh Hihcwngh, Yiny Fuzgen, Lingz Siuyangh, Danz Hijvah, Luz

Vancinh 6 boux canghraiz Sawcuengh ciem bi hab'iek ndeu.

Gvangjsih Minzczu Bause secangj Veiz Sangyungz naeuz, Gvangjsih Minzczu Bause dap hwnj aen bingzdaiz ndeu hawj canghraiz Sawcuengh baij dungxcaiz okdaej, maqmuengh 6 boux canghraiz Sawcuengh gaemdawz seizndei, gikfat yiedcingz, cauh ok sawfaenz Sawcuengh ndei, cauh ok sawfaenz yingyangj gvangqlangh, yinx sevei gvansim.

(Moz Beibei)

SIUSIK DINJ

● 5 nyied 20 hauh, bi 2020 Cungguek (Gvangjsih) — D Nghmungz byaekheu binjungz moq bozlanjvei youq Nanzningz haimuq, ndaw guek rog guek 79 aen giyez danhvei dawz gij binjungz moq ndei de camgya canjlanj, hawj daengx gih gak dieg gij ciennieb hozcozse, daihhoh ndaem byaekheu caeuq boux gai cehbyaek comz daeuj "yawj byaek genj ceh".

(Yiz Sienghczenz)

● Bineix doxdaej, Hozciz Si Yizcough Gih haenqrengz gyavaiq doicaenh yivu gyauyuz baujchang canyiz hanghmoeg gensez, gyadaih hwnqguh buek hagdangz ndeu, daezswng gij suijbingz banhhag hagdangz lajmbanj, hagdangz nyauqnyieg, demgya gunghawj yozvei hagdangz hawsingz, hawj gyoengq lwnyez youq bakdou ranz couh ndaej haeujhag, doengzyiengj gyauyuz swhyenz ndei, coicaenh Yizcough yivu gyauyuz bingzyaenx hwnghat.

(Vwnh Yizcunz)

● 5 nyied 20 hauh, Binhyangz Yenveij Duncanbu (minzczunghgiz) lienzhab Binhyangz yinsieng youjhan cwzyin gunghswz leihyungz bingzdaiz gwnz muengx haiguh "minzczu, cunghgyau cwnghwz fazgveih" senhconz caeuq vangjloz cihsiz miz ciengj ciengdap hozdung. Gaengawq gyoepsuenq, daengz 5 nyied 23 hauh, gaengq miz 9800 lai bouxvunz camgya hagsib caeuq vangjloz cihsiz miz ciengj doxdax.

(Lanz Sui)

● 5 nyied 22 hauh, Liujcwnz Yen Gujcai Mulajcuz Yangz comz banggungz buensenj hoh minzczu vunzniox ginzcung 10 lai vunz yawj song hoilh cwnghfuj gunghcoz baugau. Bouxguenjieix yungz Vahmulauj, Vahcuengh vih bouxgeq naihsim bae fanhoiz gij neiyungz gunghcoz baugau Lij Gwzgyangz cinglij gangj haenx, hawj gyoengq vunzlaux dingq mbouj rox Bujdunghva haenx engq rox cingcuj saeh hung dangqnaj guekgya caeuq cwnghfuj baenzlawz guhhong, hix engq rox gij cwnghwz duet gungz gunggeng, cwnghwz minzczu dangj raeuz guek raeuz.

(Liuz Cingenz)